

բազում անգամ 'ի սլահանջել նոցա 'ի կանանց և 'ի տղայոց և յօտարաց, որք ոչ էին հպատակ Օսմանեան Տէրութեան, ինէր վէճ և խռովութիւն. ուստի առ 'ի բառնալ զայս անկարգութիւն, Փոխանորդք յանձն առին 'ի տասնամաց հետէ զսահմանեալ տուրս վճարել դռնապանաց, և փոխանակ մի մի փարայի, զկնի Զատիկի տալ 2000 դահեկան յերկուց վանաց եւ դռնապանաց չափանջել այլ եւս ինչ ոչ յուխտաւորաց և ոչ 'ի միաբանաց, և ոչ յայլոց ով որ և իցէ. 'ի հաճիլ երկուց կողմանց այսմ պայմանադրութեան՝ Դատաւորն գրով հաստատեաց 'ի Վ Շապան. 1709.

Ի սմին ժամանակի Յոյնք որսացեալ 'ի կողմն իւրեանց զԲրեշլան Երուսաղէմի զՀայտար Փաշա, առին հրաման 'ի նմանէ նորոգել զվանօրայս թուով 6: Յետ նորոգելոյ զմին՝ ձեռն արկին նորոգել զՎանս Հայր Աբրահամու, որ յառաջագոյն Վանք էր Հապէշաց. 'ի նորոգութեան աստ քահկեցին զտանիս Ս. Յովհաննէս եկեղեցւոյն Հայոց և բարձին զքարինս նորա, կամելով հաւասարել զայն տանեաց իւրեանց, եւ զի տանիք Ս. Յովհաննու բարձր էր կանգնաւ չափ քան զայլս, և 'ի կամել հաւասարել զայն, նրբանայր առաստաղ եկեղեցւոյն, և յեղանակի ձմրան անձրեաց հետեւէր քանդումն և աւերումն: Զաքարիա Պատրիարք բողոք եբարձ առ Դատաւորն զայսմ անիրաւ յախշտակութենէ Յունաց, զնոյն արար և առ Հայտար Փաշա, այլ նա մերժեաց յերեսաց իւրոց զպատգամաւորս նորին, պատճառելով թէ ծախք նորոգութեանց յարքունուստ են. այսպիսի հնարիւք յառաջացուցանէ զգործ Յունաց, և նոքա 'ի ծածուկ վճարէին զդրամս: Տեսեալ Հայոց զհնարս Բրեշլանի, գիմեցին առ Դատաւորն, և վաւերական գրովք ցուցին զիրաւունս, և թէ ս'րպէս տիրեալ են եկեղեցւոյն, և 'ի ժամանակս ժամանակս նորոգեալ եւ շինեալ 'ի ներքուստ եւ արտաքուստ, Դատաւորն երկիցս չոքաւ բաղմութեամբ 'ի տեղին, և արար մանրամասն քննութիւն, ընդ որս էր և Բրեշլան, և քաջ ծանեաւ զիրաւունս Հայոց 'ի գրոց և 'ի գրից տեղւոյն. խնդրեցաւ գիր և 'ի Յունաց, եւ նոքա ոչ կարացին մատուցանել ինչ, այլ պնդէին թէ օդն և տանիս եկեղեցւոյն մեզ պատկանի, զի կից է տանեաց մերոց.